



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad Officium Judicis nobile, continentur ; Opus Episcopis, Vicariis Generalibus,

Aliisque Iurisdictionem quasi Episcopalem exercentibus: necnon Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetii, 1706

Collationis Parochialis per resignationem Formula XII.

[urn:nbn:de:hbz:466:1-62406](https://nbn-resolving.de/urn:nbn:de:hbz:466:1-62406)

& Constitutionis B. Pii V. vocati omnes de sic vacante Ecclesia provideri cupientes, quatenus intrà terminum decem dierum comparent in eadem Curia ad faciendum describi, & adnotari nomina ipsorum, & cum in eodem termino plures comparuissent, tandem iisdem legitimè vocatis sub die.... coram Nobis rigoroso prævio examine per tres Examinatores Synodales facta fuit experientia de scientia, & sufficientia singulorum, descriptorum, oppositorum, ac demum servatis de jure servandis fuisti per dictos tres Examinatores repertus, habitus, & existimatus idoneus vita, moribus, ætate, & scientia, & aliis à jure requisitis prædictus, & ut talis ad dictam Parochialem, ejusque Curam per Te ipsum regendam ab eisdem Nobis renunciatus fuisti, & successivè à Nobis magis idoneus reputatus, & judicatus: Nos igitur eidem Ecclesiæ, ac Animabus illi subditis de Restore providere volentes, Tibi, quem præ ceteris dignorem delegimus eamdem Parochialem cum illi annexis, ac omnibus juribus, & pertinentiis suis universis, conferimus, & assignamus, de illaque Tecoram Nobis flexis genibus constitutum, & acceptantem per Bireti capiti tuo impositionem investimus: Quo circà, &c. (& sequere, ut in precedenti formula.)

N. Episcopus N.

Loco ✠ Sigilli.

N. Cancellarius Episcopalis:

AD NOTATIONES.

1. ET ALIIS A JURE REQUISITIS PRÆDITUS.

Ad Curam regendam Animarum, quæ dicitur års artium, exigitur non tantum scientia, sed etiam ætas proiecta, prudenter, bona fama provifus, & quod iste sit gratus populo, aptus regimini, & magis utilis Ecclesiæ: Ad quas circumstantias Episcopus in præelectione animadvertere debet, Ricc. prax. For. Eccles. tom. 3. resol. 527. Piasec. prax. Episc. p. 2. cap. 5. art. 5. num. 12. & seqq. Nicol. lucubr. Can. lib. 3. tit. 5. de præb. & collat. num. 18. Card. de Luc. de Paroch. disc. 6. n. 4. Rot. coram Buratt. decis. 22. num. 29. & decis. 635. n. 6. ubi Adden.

2. CONFERIMUS. Episcopus habet sex menses ad conferenda Beneficia etiam Curata. Si autem collatio ad alios pertineret, quatuor tantum menses ei conceduntur ad faciendum concursum, & significandum Collatori electum, Nicol. lucubr. Can. lib. 3. tit. 5. de præbend. & collat. num. 21. & alibi dicam. Cæteræ autem annotationes, quæ super clausulis in formula contentis cadere possunt, ha-

bes in titulo de Edictis, & in formulis pro concurso.

Formula autem hæc potest deservire in collatione Parochialis vacantis per assecurationem alterius, per ingressum in Religionem, aut contractum Matrimonium, in quibus concursus requiritur, quæ mutatis tantum verbis, quæ respiciunt modum vacationis.

Collationis Parochialis vacantis per resignationem ex causa permutationis.

FORMULA XII.

SUMMARIUM.

- 1 Episcopus quolibet tempore potest admittere resignationes Beneficiorum ex causa permutationis.
- 2 Beneficiorum permutatio dolosa nulla est.
- 3 Provisio facta ex causa permutationis debet publicari.

N. Epi-

N. Episcopus N.

Dilecto Ec.

DEsideria justa potentium congruo favore prosequentes, libenter ea, quæ sacris sanctionibus contraria non sunt, auditum præbere non de-dignamur. Cum itaque Tu hodiè per Te ipsum Canonicatum, & Præben-dam Ecclesiæ N. & dilectus noster in Christo N. Parochiale Ecclesiam N.no-stræ Dioecesis, quam obtinebat, per N. Procuratorem suum ad hoc ab eo spe-cialiter constitutum, *ex causa permutationis* de ipsis inter vos sincerè faciendæ, & non aliâs, sponte; & liberè resignaveritis in manibus nostris, Nosque votis tuis favorabiliter inherentes, resignatione ex causa prædicta admissa, Paro-chiale prædictam sic vacantem Tibi qui per tres nostros Examinatores Syno-dales examinatus, & idoneus repertus fuisti, cum omnibus juribus, & pertinen-tiis suis auctoritate nostra ordinaria conferimus, & assignamus. Teque coram Nobis personaliter constitutum per anuli traditionem, & Bireti tuo capiti im-positionem de eadem investimus, & in realem, corporalem, & actualem pos-sessionem, seu quasi immittimus, præstito per Te, & per Nos recepto ad Sanctæ Dei Evangelia corporali juramento, quod *nulla pactio fraudulenta interces-sit*, & quod Nobis, & Successoribus nostris fidelis, & obediens eris, & Sanctæ Matri Ecclesiæ, dictæque Ecclesiæ in spiritualibus, temporalibus, ac in Di-vinis laudabiliter deservies, & deservire facies, oneraque ipsius supportabis, & jura nostra persolves, bonaque quæcumque, atque jura illius manutenebis, & defendes pro posse, nihilque quod ad eamdem Ecclesiam pertineat aliena-bis, seu distrahes, sed alienata, & distracta ad ius, & proprietatem dictæ Pa-rochiæ pro viribus reduces. Quo circa &c. & sequere, ut præcedentibus formulis.) In quorum fidem &c. has præsentes expediri, & publicari jussimus. Datum &c.

N. Episcopus N.

Loco ✠ Sigilli.

ADNOTATIONES.

1. EX CAUSA PERMUTATIONIS. Etiam hodiè Episcopi in quolibet mense anni possunt admittere resignations in favorem certæ personæ *ex causa permutationis*, quas invicem faciunt permutantes, & eorum cuilibet collationem facere tempore debito de Beneficio permutato, ut latè probat Gonzal. *ad regul. 8. Cancellar. gloss. 14. n. 33. & 48.*

2. NULLA PACTIO FRAUDULENTIA. Si permutatio esset dolosa, & facta cum fraude, nulla esset. Arguitur autem hæc fraus, quando permutatio fit ab

N. Cancellarius Episcopalis.

ægrotō, à sene, à disparitate magna Be-neficiorum permutatorum, à lite penden-te, & ab aliis conjecturis, quas enumerat Paris. *resignat. lib. 13. quæst. 4. per tot.*

3. ET PUBLICARI JVSSIMVS. Ad tollendas igitur fraudes, quæ committi interdum solent in hujusmodi resignationibus, debet provisio facta ex causa permutationis publicari intrà tres menses à die collationis, aliâs provisio nulla esset, ut jubet in sua Constit. 85. Bullar. tom. 2. Gre-gor. XIII. & probat Paris. *de resignat. lib. 11. quæst. 2. nro. 10. & seqq. & quæst. 5. n. 17. cum seqq.*